

四庫全書

子部

欽定四庫全書

記纂淵海卷十九

宋 潘自牧 撰

郡縣部

京西北路

河南府

倚郭二 河南 洛陽 外縣十一 偃師 潁陽 鞏 密

新安 福昌 伊縣 浥池 永寧 壽 安 登封

郡號三川

郡沿革天文柳分野禹貢豫州之域武王克商定鼎於

邾鄆成王營洛為王城下都至平王自鎬京東遷乃居
王城秦置三川縣漢置河南郡東漢都於此置河南尹
兼置司隸三國魏置司州晉亦都此置河南尹司州如
故苻秦改為豫州劉宋仍置司州後魏改為洛州孝文
自代徙都之又改司州亦為河南尹東魏改司州為洛
州改河南尹為河南郡西魏又改為司州北齊為洛州
周為東京隋初罷郡為洛州煬帝徙都於此改豫州尋
改河南郡唐初復為洛州置都督府開元初開河南府

高宗以此為樂都光宅初改神都神龍初復為樂都天寶初又改東京五代梁為西都唐改東都晉改西京本朝因之

沿革表

縣沿革河南本成周地秦屬三川郡漢為河南郡治

洛陽以地居洛水之上故名莽改宜陽東漢改雒陽隋遷郡治河南縣併移縣於城中唐神龍初改洛陽為永昌本朝初河南洛陽二縣併置熙寧中省洛陽入河南偃師本帝嚳所都之地商有三亳成湯居西亳即此

後盤庚亦徙都改號曰殷周武王伐紂還息偃師後遂
名 潁陽本夏倫國漢置縣屬潁川 鞏周鞏伯邑惠
公封少子班於鞏是為東周漢時置鞏縣 密本古密
國漢時置縣 新安春秋時西周地秦名新安漢置新
安縣 福昌周為召伯聽訟之所漢為宜陽縣地魏析
置甘棠縣唐改曰福昌本朝因之 伊本古伊闕地漢
置陸渾縣隋改伊州尋廢唐置伊陽縣本朝改伊縣
澠池本韓地後屬秦漢置澠池縣屬弘農西魏屬河南

郡後周屬同軌郡唐初屬陝州貞觀初徙今治本朝因之永寧漢為澠池縣之西境屬弘農郡西魏屬宜陽郡隋改永寧縣唐移鹿橋屬洛州本朝屬河南府壽安本後魏甘棠縣隋改今名登封禹避舜之子於陽城即此漢置陽城崇高二縣屬潁川晉屬河南郡唐初屬嵩州尋改嵩陽曰登封本朝屬河南府

沿革表

形勝北邙山在府城北綿亘四百餘里東漢諸陵及唐宋名臣墓皆在此伊闕山在府城西南大禹䟽龍門

伊水出焉 八將山在河南縣西唐尉遲敬德與單雄
信等八將戰此遂以名山 箕山在登封東許由洗耳
於此 委粟山在洛陽城東魏明帝營為圓丘至今形
制尚在 首陽山在偃師縣 黑雲山在鞏縣西昔成
湯於此禱旱輒應 嵩山在登封縣北五嶽之中岳也
漢武帝祠中岳聞神呼萬歲者三即此 天壇山在永
寧縣西四十里壇上有仙燈王母祠 慕容山昔慕容
垂屯兵於此 桓王山在澠池縣北上有周桓王廟

鬼谷在登封縣北有蘇秦授業處 洛水在永寧縣界
禹治水神龜負書出此 回溪馮異與赤眉戰處 空

桑澗伊尹產於此 石渠在府城有文彥博宅 溫泉

在府城南冬溫夏涼 夾馬營在府城東宋太祖所生

處 獨樂園在府城南 白樂天宅趙普宅曹彬宅富

弼宅安樂窩俱在府城內

勝紀

人物商伊尹耕莘野樂堯舜之道湯聘為相 周申伯
有惠直德乃宣王元舅 仲山甫克全懿德周宣王中

興賢臣 漢賈誼少有俊才文帝時上治安策後為長沙太傅 郭賀光武時尚書令有殊政顯宗賜以三公服 卜式武帝時輸粟助邊賜爵關內侯 杜密少有大志為司徒胡廣所辟遷北海相與李膺齊名 三國卻正家貧好學事蜀漢為秘書多所匡救 元文遙有王佐才仕北齊累遷尚書左僕射 隋元巖好讀書以名節自許仕周為御史大夫 唐長孫無忌晟之子佐太宗定天下功第一 元德秀為魯山令有清操士論

高之 盧仝號玉川子嘗為月蝕詩以譏元和逆黨韓
愈重之 韋應物性高潔工詩累官蘇州刺史有集十
卷 元稹舉制科第一官至膳部員外郎詩與白居易
齊名 五代桑維翰舉進士嘗著日出扶桑賦以見志
後拜相 皇朝劉溫叟性清介拜御史中丞 呂蒙正
太宗時舉進士第一三居相位封許國公 种放七歲
能文奉母隱終南山累詔不起後拜工部侍郎贈尚書
不娶無子以姪過弘為嗣 錢若水舉進士善決疑獄

累官集賢院學士 范雍中進士第為治平恕累官資
政殿學士 富弼仁宗時舉茂才慶厯中再使契丹以
成和議拜樞密使 尹洙博學深於春秋舉進士累遷
起居舍人倡為古文以矯時弊 程顥生而秀異舉進
士專尚德化熙寧初為御史理刑論新法不合遂去以
道學鳴世稱明道先生 程頤少有高識非禮不動仁
宗時上疏欲黜世俗之論以王道為心哲宗時擢崇政
殿說書與兄顥倡明道學世稱伊川先生 邵雍號堯

夫精數學著皇極經世書 邵伯溫雍子以薦授大名

府助教著皇極經世解 司馬光神宗時累官樞密使

天下稱為真宰相

紀勝

集遂出梁宋郊道由周鄭間前登陽城路日夕望三川

顏延年步出上東門北望首陽岑下有採薇士上有嘉樹

林阮籍握手出都門駕言適京師豈不懷舊廬惆悵與子

辭麗日作高歌清觴讌華池

韋應物

出城車騎次諸侯坐

領圖書見督郵繞郭桑麻通漢口滿川風景接襄州高

城烏過方催夜廢。蟬鳴不待秋聞。說元規偏愛月知。

君長得伴登樓。

虛允言

蕙葉青青花亂開。少年趨府下蓬

萊。甘泉未厭揚雄賦。吏道何榮賈誼才。

錢仲文

開雲種玉

嫌山淺渡海傳書怪。鶴遲陰洞石幢微。有字古壇松樹

半無枝。

虛允言

春城月出人皆醉。野戍花深馬去遲。寄聲

報爾山翁到今日。河南勝昔時。

岑參

本朝熙寧五年省洛陽。入河南元祐二年復景德四年
升永安為縣慶曆二年廢。偃師四年復熙寧五年省入。

緱氏八年復慶厯二年廢潁陽為鎮四年復熙寧五年

省入登封元祐二年復崇寧四年割密縣隸鄭州宣和

二年還隸府熙寧五年省福昌入壽安元祐元年復為

縣熙寧五年廢伊縣為鎮六年改隸伊陽景佑四年改

鐵門鎮為澠池慶厯三年廢壽安為鎮四年復開寶元

年移河清治白陂鎮熙寧八年閏四月置鐵監

沿革表

西

來洛水遶崧高野店荒村換市朝千古興亡幾春夢只

將閒話付漁樵

蕭真卿

玉光照夜開新塚劍氣沉沙古戰

場金谷更誰誇富麗銅駝無處問興亡

龐才卿

潁昌府

倚郭一長社
外縣六郟城

陽翟長葛臨

舞陽郟潁

郡號許昌

郡沿革天文角亢分野周為許國秦屬潁川郡漢為韓

國尋置許縣屬潁川郡東漢末獻帝都於此曹魏改為

許昌晉徙潁川郡治此北齊於此置南鄭州後周改許

州五代梁置匡國軍唐改忠武軍本朝升為潁昌府

沿革

縣沿革長社秦屬潁川唐改長社縣 郾城本古郾子

國漢置郾城縣 陽翟鄭柳邑漢改陽翟 長葛本春

秋鄭邑宋人伐鄭取長葛即此 臨潁漢舊縣以在潁

水之上故名 舞陽漢舊縣以在舞水之上故名 郟

縣本春秋時鄭地漢置郟縣

並沿
草表

形勝禹山在潁縣南下有禹廟 石梁河在臨潁北

西湖在府西北 龍華井在府城北 靈池在長葛縣

西亦名葛仙池世傳葛玄寓居於此 梅花堂在府北

宋蘇軾建上有軾咏梅花詩 德星亭在府西上有荀

叔故宅 漱亭在郾城南裴度討吳元濟時建 聽水

亭在府西湖上宋蘇軾卜宅其南上有蘇轍詩 灌臺

在郡城南漢潁陰侯灌嬰故宅 尚書臺在臨潁縣東

漢馬融嘗講書於上故名唐高宗於此閱兵更名講武

臺 張飛祠在郡境內 七先生祠在郡學祀宋時周

敦頤程顥頤張載司馬光邵雍朱熹 高陽里在府城內

漢荀叔所居 關公故宅在郡城內一宅兩院今有祠

在焉 十八盤山在武陽縣南 鳳翅山在邾縣西上

有靈泉 舞水泉在舞陽縣東南泉湧若舞 龍池在

邾縣西上有龍洞 鄆侯廟在舞陽縣治 唐太宗廟

在邾縣東北

紀勝

人物周頤考叔純孝以孝感莊公張子稱其錫類 秦

呂不韋為秦相作月令著十二紀并呂氏春秋 漢賈

山孝文時上書勸納諫名曰至言 晁錯以文學為太

常掌故遷太子家令號智囊 灌夫性孝誼嘗為父報

讐後為淮陽太守 韓延年襲父爵封成安侯伐匈奴
以戰死 王霸從光武為王郎所逼言冰堅可渡後以
功封淮陽侯 祭遵以軍功封潁陽侯光武稱其憂國
奉公 臧宮從光武征伐有功封朗陵侯 姚期素重
信義以功封安成侯 王常以功封山桑侯 郭躬少
習法律累官至廷尉決獄多從輕恕 陳實為太邱長
以德化人盜賊皆愧服之 鍾皓以篤行稱九辟公府
皆不就 李曇性至孝隱居養母桓帝以安車玄纁徵

之不起 三國陳羣寔孫事漢為侍御史 晉鍾雅好
學有才智為御史中丞百僚憚之 褚裒少有盛名人
謂皮裏春秋累官鎮北將軍 唐郭孝恪少有奇節以
功遷上柱國 王求禮為御史直言不阿時相朝廷重
之 皇朝焦繼勲為右金吾盜賊屏息 吳虔裕為右
千牛衛上將軍朝廷眷愛 孫甫少好學舉進士多所
建明有文集唐史行於世 程戡舉進士安重習事治
不近名累官端明殿學士 常禹錫舉進士試身言書

判第一著文集甚衆 何中立進士及第累官樞密院

學士清介家無餘資 孫永擢進士累官吏部尚書與

人交終身無怨尤 田況舉賢良方正累遷翰林侍讀

學士太子少傅著好名朋黨二論 曹勛以恩補承信

郎從徽宗北遷多著勞効累官太尉

紀勝

集出磧清沙漠還家拜羽林風霜臣節苦歲月主恩深

為語西河使知余報國心

崔顥

梁王昔全盛賓客復多才

悠悠一千年陳迹惟高臺寂寞向秋草悲風千里來

梁苑白日暮梁山秋草時君王不可見修竹令人悲九

月桑葉盡寒風鳴樹枝

並高
達夫

仙官欲住九龍潭毛節朱

幡倚石龕山壓天中半天上洞穿江底出江南瀑布杉

松常帶雨夕陽彩翠忽成嵐借問迎來雙白鶴已曾衡

岳送蘇耽

高館張燈酒復清夜深殘月雁歸聲只言

啼鳥堪求侶無那春風欲送行黃河曲裏沙為岸白馬

津邊柳向城莫怨他鄉暫離別知君到處有逢迎

並王
摩詰

一樽酒盡青山暮千里書回碧樹秋日落遠波驚宿雁

風吹輕浪起眠鷗舞陽親友誰相念潘岳閒居欲白頭

許用

晦

本朝元豐三年升為府崇寧四年為南輔郡隸京畿大

觀四年罷政和四年復為輔郡隸京畿宣和三年復罷

輔郡依舊隸京西北路熙寧四年省許昌縣為鎮中元

間以邦隸汝州崇寧四年來隸潁州

沿革表

宴開芸閣儒

風盛坐對蓬山逸興長

孝宗

臂健尚嫌弓力軟眼明猶識

陣雲高庭前昨夜秋風起羞見團花舊戰袍

曹翰

賈誼書

成動兩漢謝安人笑起東山前途去覺雲天近舊隱回

思水石閒

范希文

去國正逢梁苑雪探春先得洛城花樓

臺紫府神君館松石平泉太尉家

元章簡

輔藩重地豈容

授任之輕睿主優恩曲遂及私之便

韓淮知許昌表

鄭州

倚郭一外縣四

管城

滎澤

原武

新鄭

滎陽

郡號滎陽

州沿革天文角亢分野古高辛氏火正祝融之墟禹貢
兗豫二州之域周為虢鄆之地鄭武公與平王東遷武

公滅兩國而遷都焉後鄭為韓所滅韓又徙都之其東境屬魏秦屬三川郡漢屬河南郡後漢因之分置滎陽郡後魏為東恒農郡東魏置廣武郡後周置滎州後改為鄭州隋置管州煬帝初復為鄭州尋廢州置滎陽郡唐因之屬河南道梁為防禦以原武中牟二縣屬開封府本朝為奉國軍節度

沿革表

縣沿革管城本周地武王封管叔於此滎澤古澤名春秋衛侯及翟人戰於滎澤即此原武漢縣屬河南

郡 新鄭周封黃帝後於此為鄆國 滎陽古東虢國

春秋為鄭京城

沿革表

形勝梅山在州西南春秋楚為子馮率師侵費滑還駐於此 黑陽山在原武縣北黃河經其下 邢山在新

鄭南上有子產墓 抱犇山在新鄭西上有駐節臺

具茨山在新鄭西南黃帝受神芝圖錄於此上有軒轅

避暑洞 靈源山在滎陽縣西其間產靈芝石菌石髓

紫菊往往人聞長嘯之聲 汴河在滎陽縣大周山下

金水河在州境 鄭水在州東溉田千餘頃 靈仙

井在滎陽縣南嘗有龍見此 夕陽樓在滎陽境內

鄭莊公祠在滎陽縣東 子產廟在新鄭縣西 裴度

祠在新鄭縣北 許衡祠在新鄭縣學 呂蒙正墓

王曾墓 曾公亮墓俱在新鄭縣境內 軒轅丘在

新鄭縣境黃帝生此

紀勝

人物周子皮為鄭大夫嘗以政授子產 燭之武秦伐

鄭武奉鄭伯命說而罷之 鄭僑為鄭卿孔子稱其有

君子之道四焉 子太叔繼子產為政民甚德之 列
禦寇學本黃帝老子著書十餘萬言 漢任安守正不
阿權貴 服虔有俊才著書甚多累官九江太守 晉
潘岳少穎敏號為奇童子累官中書令 南北朝鄭鮮
之性剛直仕為御史權倖憚之累官尚書僕射 鄭義
為堯州太守表薦士類時論多之 鄭紹緒仕梁為安
豐令有能名累遷衛將軍 隋劉祐開皇初為大都督
善占候所著兵書甚多 唐鄭善果仕唐為檢校大理卿

奉法持正朝野知名 婁師德舉進士與人無競嘗云
唾面自乾累官將相 李日知進士及第為司刑丞獨
尚寬平累官刑部尚書 鄭虔為廣文館博士居官貧
約且善書畫玄宗稱其為三絕 鄭潜曜性至孝母代
國長公主寢疾潜曜刺血為書禱神願以身代後尚臨
晉公主官至光祿卿 鄭珣瑜少孤躬耕養母為宋城
尉嚴重人不敢干以私累官同平章事 鄭綱幼有奇
志擢進士累官太子太保守道寡欲世以耆德稱之

鄭餘慶網從子舉進士性廉介歷事四朝其祿皆賑親
濟急累官同平章事鄭肅學有根本舉進士挺挺有
大臣節累官平章事鄭絳善詩文舉進士累官中書
門下平章事皇朝梁周翰十歲能屬文累官大名尹
天雄軍節度使李及舉進士性清介喜薦下吏官至
御史中丞盛陶舉進士彈劾不避權倖史稱其有大
節孫固舉進士石介以公輔期之累官門下侍郎
張逸舉進士歷知數縣囚無冤抑民多便之

紀勝

集花明柳暗繞天愁上進重城更上樓欲問歸鴻何處

去不知身世自悠悠

李義山

朝與周人辭暮投鄭人宿他

鄉絕儔侶孤客親僮僕宛洛望不見秋霜晦平陸田父

草際歸村童雨中牧蟲絲機杼鳴雀喧禾黍熟

王摩詰

九

陌逢君又別離行雲別鶴本無期望嵩樓上留相見看

過花開花落時

劉禹錫

蕙葉青青花亂開少年趨府下蓬

萊甘泉未厭揚雄賦吏道何榮賈誼才

錢仲文

蒼苔滿字

土埋碑風雨銷魂色欲頽曾向圖經中舊見誰人知是

蔡邕碑

王

畫船載酒及芳辰宰相園林澠水濱鳧旂虎

符剖不得却將清影付賢人我扶黃雲去京闕掛席

欲進波連山天長水濶厭遠涉訪古始及平臺間

並賈昌朝

本朝熙寧五年廢州以管城新鄭隸開封府省滎陽滎

澤縣為鎮入管城原武縣為鎮入陽武元豐八年復州

元祐元年還舊節復以滎陽滎澤為縣與滑州並隸京

西路崇寧四年建為西輔大觀四年罷輔郡政和四年

復宣和二年罷

沿革表

昨日憑高向西望滿川烟柳雨濛

濛

張詠

臺上望城下迢迢知幾尋湖光隱隱見多礙柳烟

深

范鎮

解帶行蒼蘚移鞍坐綠陰樹疎啼鳥遠苑靜落花

深無復增修事君王惜費金

王安石

生為男子偶昌辰安

樂窩中富貴身大字寫詩誇壯健小杯飲酒惜清醇山

川澄淨初經雨草木暄妍正遇春造化工夫精妙處都

宜分付與閒人

邵堯夫

垂楊冉冉臨清籞細草茸茸覆路

沙長閉園門人不入禁渠流出雨殘花

劉敞

滑州

倚郭一
外縣二

白馬
韋城

昨城

郡號滑臺

州沿革天文營室東壁分野禹貢豫州之域春秋時屬
衛戰國亦屬衛其西境屬魏秦漢置東郡晉為陳留濮
陽二國宋武平河南置堯州以為邊鎮後屬後魏亦為
東郡隋初置杞州後為滑州又改為堯州尋廢堯州置
東郡唐為滑州本朝因之

沿革表

縣沿革白馬春秋衛國漕邑狄滅衛衛人立戴公廬於
漕即此 韋城本古豕韋國 胙城古胙國周公封別

子為胙伯即此

沿革表

卷十九

形勝鮒鰭山在州境山海經云顓頊葬其陽九嬪葬其
陰 白馬山在白馬縣東北水經云昔有白馬羣行山
上悲鳴則河決馳走則山崩 狗脊山在郡西北其地
出狗脊草天臺山在白馬西昔河決於此今有長堤尚
存 滑河在州境內即黃河故道 鯨堤在州西鯨治
水所築 鉞子堤在州西南漢武所築 大堤在白馬
縣東 東西堤在韋城境內 新堤在胙城境內 平

陽城在故韋城春秋時孔惺為崩殯所逐載伯姬於平陽即此 滑臺城即故鄭廩延邑述征記云登滑臺西北望太行山白廐岩王莽嶺冠於衆山表也 逯明壘

在州東石虎將逯明所築也 王鐵鎗砦在白馬縣東

有歐陽修畫像記 沙店在韋城西南 向固城在白

馬西北唐置都督府其南有坑數處每坑可匿千人世

傳為伏兵之所 京觀在韋城北漢翟義起兵討王莽

為莽所滅築臺於此 白馬津在白馬縣境漢酈生所

稱守白馬之津即此 靈昌津在白馬境內周十餘里

人獲菰蒲之利 帝營陵 顓頊陵並在州東北上山

之陽自唐以來天子歲祀之 滑伯墓在州境 惠子

塚在州東即梁惠王相也 顏良塚在白馬縣魚池店

北關雲長刺顏良葬此 堯祠在州西上有白敏中記

蔡龍廟古蔡龍氏祀處也上有司馬光禱雨文 河

侯祠即漢王尊欲以身填金堤之處 賈魏公廟在白

馬北 仁風樓在韋城境內袁宏所築遺趾尚存 瀟

湘亭在白馬縣境內

紀勝

人物三國程昱有智畧事魏拜衛尉封安鄉侯 唐崔日用擢進士第佐臨淄王平韋氏之難屢贊大計官至戶部尚書 崔宗之性好學與李白杜甫以文相知 崔日知少孤貪力學以明經進至兵部員外郎嘗平譙王重福之變以功加銀青光祿大夫殿中少監四遷京兆尹封安平侯 李元紘初為宗正卿性介直時太平公主與民爭碾磴元紘斷令還民且署其判曰南山可移

判不可搖累官太子少傅 皇朝王昭素有學行徵為

國子博士上問治世養身之術對曰治世莫如愛民養

身莫如寡慾朝廷愛其言遂書於几

紀勝

集謁帝承明廬逝將歸舊疆清晨發皇邑日夕過首陽

伊洛廣且深欲濟川無梁汎舟越洪濤怨彼東路長顧

瞻戀城闕引領情內傷

曹子建

荆魏多壯士宛洛富少年

意氣深自許肯事郡邑權

王僧達

白馬津頭春日遲沙洲

歸雁拂旌旗

劉禹錫

將軍發白馬旌節渡黃河一掃清大

漠咆虎戢金戈

李太白

滑臺門外見淇水眼前流

高適

黃河

曲裏沙為岸白馬津邊柳向城

同上

棠梨宮裏瞻龍袞細

柳營前着豹裘想到滑臺桑葉落黃河東注杏園秋

崔峒

青絲玉勒康侯馬孟水金堤滑伯城

韓君平

本朝太平興國初改武成軍節度熙寧五年廢州縣並

隸開封府元豐四年復舊縣復來隸元祐元年還舊節

度

沿革表

汀洲出沒叢花短波浪澄虛兩岸平前聖事跡

君今似不愧當年畫舫名

蘇子由

謨明久合分三府治劇

聊須試一方

王安石

孟州

倚郭一
外縣五

河陽
濟源

溫

沁水

河陰

王屋

郡號孟津

州沿革天文室壁分野禹貢冀豫二州之域商為畿內
地周初為三監及邶鄘衛地春秋屬晉為河陽戰國屬
魏為河雍漢為河南縣元魏始築城於此北齊置河陽
關隋仍為河陽縣屬淮州唐初改大基縣後復為河陽

縣屬河南府後升孟州本朝置三城節度使

沿革表

縣沿革河陽春秋時晉邑以在河之陽故名 濟源周

為原地以濟水發源故名 溫周為蘇忿生之封邑漢

為溫縣 汜水古東虢國地春秋時為鄭巖又名虎牢

河陰秦置平陰縣在廣武山 王屋本周召公邑後

周置縣

沿革表

形勝紫金山在州西其地宜麥唐太宗嘗田獵於此

華蓋峯在濟源縣西前有陽臺宮 天壇山在濟源西

山上旦夕有五色影夜有仙燈即唐司馬承禎得道之所盤谷在濟源北唐李愿隱居之所濟瀆在溫縣

西北流入黃河淇水在五臺山東萬艘潭在河陽

縣治溫泉在州城北夏涼冬溫畜魚池在州城內

舊貢黃魚鮓出此神農澗在溫縣境相傳神農采藥

至此教山在河陰西北秦時教氏築倉於上三山

在汜水界上有三峯故名鴻溝在河陰東即漢楚分

界處伯牛岡在汜水縣上有冉伯牛廟汜水源出

汜縣流入黃河 厄井在汜水縣東南漢高曾逃難於

此 瀑布泉在濟源東北 堯池在州西北 太師堂

在孟縣治文彥博以太師致仕居此 九曲山在汜水

縣西二里頂上有呂布城 王屋山在濟源縣西北百

里以山形如王者車蓋故名

紀勝

人物漢石奮以孝謹稱官至二千石景帝號奮為萬石

君雖齊魯諸儒皆自以為不及 蔡義以明經給事大

將軍幕府昭帝召見說詩悅之擢光祿大夫 傅喜傳

太后從弟好學有志行成帝選為太子庶子後遷大司
馬封高武侯 張玄少習顏氏春秋與瑯琊徐業語大
驚曰今日相遭真解矇矣 三國司馬懿少有奇節博
學洽聞漢末兵亂慨然有憂天下之志 南北朝司馬楚
之晉宗室少有英氣獨折節待士 常典篤志好學五
經百家多所研究州郡辟命皆不就教授門徒七百餘
人號儒林先生 趙默魏獻文時為選部尚書當官謹
飭進爵河內公累功進爵為王謚康子 司馬子如東

魏丞相高歡入洛以為大行臺尚書 司馬筠幼通經

史明三禮為暨陽令有清標入為尚書丞 唐王智興

少驍銳累有戰功歷遷侍御史後又平賊加尚書左僕

射 裴休蘊藉能文章書有體法舉賢良為監察御史

操守嚴正後入相 張庭珪慷慨有志舉進士累遷監

察御史黃門侍郎 皇朝史杭宣和末為代州沿邊安

撫使城被危呼二子稽古稽哲突圍力戰而死 李伯

宗舉進士歷大理卿執法平恕贈光祿大夫 傅察端

重有特操登進士第蔡京欲妻以女察拒之常奉命出使不屈而死贈徽猷閣侍制 傅伯成察之孫少從朱熹學登進士第累官集英殿侍制 陳芳一門十四世

同居三百年孝義為時人所重仕為大理丞詔旌其門集兵符關帝關天策動將軍塞靜胡笳徹沙明楚練分風旂翻翼影霜劍轉龍文白羽搖如月青山斷若雲烟踈疑捲慢塵滅似消氛投筆懷班業臨戎想顧勲還應雪漢恥持此報明君

並略
霸王

孔山刀劍立沁水龍蛇走

白居易

願隨天子天壇上閒與仙人掃落花

李

夜分光見

日院靜遠聞笙

劉禹錫

日夕陰雲起登城望洪河川氣冒

山嶺驚濤激巖阿歸鳥映蘭時游魚動圓波依水類浮

萍倚松似懸蘿

潘岳

昔向都邑遊今掌河朔徭登城眷南

顧凱風揚微綃洪流何浩蕩修芒鬱峇嵒誰謂晉京遠

室邇身實遼

同上

獨立蒼茫殘照外落花飛絮點人衣

白居易

易

星斗半沉蒼翠色紅霞遠照海濤分折松曉拂天壇

雪投簡寒窺玉洞雲絕頂樵迴人不見深林磬度鳥應

聞

馬載

本朝政和二年改孟州為濟源郡熙寧五年省汜水入河陰元豐二年復置大中祥符四年改虎牢關曰行慶

熙寧五年王屋河南來隸

沿革表

曉日都門颺旗旌晚風

鏡吹入三城知公再為蒼生起不是尋常刺史行

程明道

南指嵩高北太行大河中出貫靈長君王不恃金湯險自有仁恩結萬方

李迪

汜水鴻溝楚漢間跳兵走馬百重

山如河咫尺商於地便有園公綺季閒

王安石

下馬入枋

口漾船汎碧溪雪消山骨瘦風急浪頭低

文彥博

脩竹帶

藩籬百禽鳴朝瞰仰視浮雲作俯窺流水奔相望有盤

谷李愿故居存

黃魯直

蔡州

倚郭一外縣九

汝陽

上蔡

新蔡

集信

遂平

新息

確山

真陽

西平

平輿

郡號汝南

州沿革天文角亢氐分野禹貢豫州之域古呂國春秋
時沈蔡二國戰國時為楚魏二國之境秦屬潁川郡漢

高置汝南郡後漢因之魏晉亦曰汝南郡劉宋因之
置豫州以為重鎮後魏置豫州東魏置行臺後周置總
管府後改曰舒州尋復曰豫州其後改洛州為豫州以
此為濰州尋改曰蔡州後置汝南郡隋初郡廢煬帝初
復置汝南郡唐為豫州寶應初仍為蔡州本朝因之為

淮康軍節度使

沿革表

縣沿革汝陽周為沈國地漢置汝陽縣 上蔡古蔡國
周武王封弟蔡叔度於蔡漢置上蔡縣 新蔡古呂國

春秋時蔡平侯徙都於此故曰新蔡 褒信本漢偃縣

地劉宋改曰褒信 遂平本春秋房子國後魏改遂平

新息春秋為息侯國漢為新息 碓山本春秋江國

本朝改碓山 真陽本漢慎陽縣隋改曰真陽 西平

古栢子國漢置西平縣 平輿春秋沈子國漢置縣

同上

形勝天中山在汝陽縣北以在天地之中故名 碓山

在碓山縣南晉何曾見山有白杵自動有聲尋失其所

嵒嵒山在遂平縣西中有洞可深入昔李觀及吳元

濟戰嶺岬即此 蔡岡在上蔡縣西 光武井在上蔡

縣東上有光武臺 玉梁渠在新息縣西北隋嘗濬以

溉田 蔡溝在上蔡縣西南古有蔡河即此 神溝在

遂平縣西北有古岳廟 高皇臺在確山縣東漢高皇

所築 光武臺在上蔡縣東北漢光武所築 月旦里

在汝陽縣東漢許劭兄弟所居故名 二孝莊在汝陽

縣西漢孝子蔡順董永所居

紀勝

人物周曹卹孔子徒樂道明義唐玄宗贈曹伯 漆雕

開志不安於小成夫子悅之 秦冉學孔門德藝有成

唐玄宗贈彭衙伯 吳公文帝時守河南治平天下第

一徵為廷尉 翟方進以射策甲科為郎遷丞相司直

舉劾甚切直朝廷憚之 蔡順以至孝稱出求薪母噬

指順即心動母終平生畏雷順輒環塚泣曰順在此

鄭敬與同郡郅憚隱於弋陽山中憚志在從政喟然歎

曰天生俊士以為人也子從我為伊呂乎將為巢由而

父老堯舜乎敬曰吾足矣 戴憑舉明經嘗在御前講

經羣臣無能難之者 王琳性孝友十餘歲遭亂守父

母柩不去其弟季為賊所獲欲殺琳願以身代賊矜而

釋之 袁安性清介嘗客洛陽後舉孝廉累遷司徒

薛包性孝友事繼母甚謹與諸弟分財多推讓 陳蕃

性儉淨處家不脩飾嘗曰大丈夫當掃除天下安事一

室 黃憲舉孝廉時人比其為顏子 袁閔安之玄孫

苦身脩節累徵不應延熹末黨士起閔潛居土室十八

年 袁忠閔之弟初為沛相以清介稱及時亂浮海投

交趾 許劭少重名節好品題人物人稱其為月旦評
晉周訪好周窮乏家無餘財元帝加為鎮東將軍

唐周墀舉進士屬詞高古文宗雅重之累官尚書右僕

射 皇朝孫何篤學嗜古十五能文舉進士第一知制

誥著述甚多 孫僅何之弟舉進士第一兄弟連魁天

下時人榮之累官集賢院學士 謝良佐學於程門伊

川嘗稱歎其善淑已為好學

紀勝

集行乏憇余駕依然見汝墳洛川方罷雪高嶂見靜雲

輒曳半空裊溶溶五色分

然孟浩

西掖梧桐樹空留一院

陰艱難歸故里去住損春心

杜甫

宮殿青門隔雲山紫羅

深人生五馬貴莫使二毛侵

同上

汝南晨雞喔喔鳴城頭

鼓角音和平路傍老人憶舊事相與感激皆淚零

劉夢得

天涯流落兩丘土玉樹並揜佳城中舉杯三酌不忍去

萬木颯颯擊秋空

苑中詩

康樂寵詞客清霄意無窮徵文

北山外借月南樓中千里愁併盡一樽歡暫同

同上

本朝大中祥符五年始改確山縣屬淮康軍政和間升

蔡州為陸海軍節度

沿革表

京塵無處可軒眉照面淮濱

喜自知風裏麥苗連地起雨中楊柳帶烟垂

黃庭堅

北關

望南山明嵐雜紫烟樹遶芳堤外橋橫落照前

歐陽脩

更

小亭欄花正好儘荒臺榭景纔真

邵雍

淮寧府

倚郭一外縣四

宛丘項城

商水

西華

南

頓

郡號淮陽

郡沿革天文角亢分野禹貢豫州之域昔庖羲氏所都

曰大吳之墟周初封舜後媯滿於此以備三恪為陳國
楚滅為縣楚頃襄王自郢徙於此戰國時為楚魏二國
之境秦屬潁川郡漢汝南郡淮陽國之地後漢亦同晉
為汝南郡梁國二境地兼置豫州後魏置陳郡又置北
揚州北齊改北揚州為信州隋置陳州煬帝初州廢置
淮陽郡唐為陳州或為淮陽郡屬河南道領縣六梁以
太康屬開封府晉為鎮安軍節度本朝為淮寧府

沿革表

縣沿革宛丘陳國都有東門池又有固陵漢高追項羽

處 項城本槐坊店項羽所築 商水本漢汝陽縣地

本朝改商水縣 西華漢為長平西華二縣地秦省長

平本朝置西華 南頓古頓子國後通於陳南徙故曰

南頓又光武父劉欽為南頓令故名

沿革表

形勝西銘山在府西北即張子作西銘處 長白山在

太康縣東北山形長大甚秀 宜山在西華縣南聳翠

為一縣之望 頓山在項城縣北即古頓子城 鳴井

在郡東以物投下聲應如鐘 東門池在府東詩曰東

門之池可以漚麻卽此 五梁溝在府西南上有五橋

陳佗溝在府北世傳陳公子佗所開 章華臺在商

水縣西北楚靈王所築 光武臺在南頓境光武幸南

頓所築 望湖臺在郡之西園下臨湖水清漣可望

伏羲廟在郡境內 陳胡公墓在郡城北濠水嘗嚙其

趾見有鐵錮之俗謂之鐵墓 北池在商水城北東流

達於淮 汲黯墓在郡城東 柳城在西華南卽女媧

氏之都 長平城在西華縣東 互鄉在商水縣境內

即互鄉童子見孔子之處 桑落在郡界即孔子絕糧

處 固陵在郡城西北即漢高滅項羽處

紀勝

人物周洩冶靈公時為大夫以諫而死 逢滑嘗勸陳

侯不赴楚召其詞甚直朝臣重之 司城貞子仕陳為

大夫孔子嘗主其家 顓孫師孔門高弟曾子稱其為

難能後世封為陳伯進宛邱侯 原憲亦孔門高弟狷

介安貧孔子賢之 秦陳餘好儒術秦時變姓名為里

監門後自立為代王 漢鄭當時武帝時為內史以貴

下人當時賢之 蔡衍少明經講授以禮讓化鄉里後

舉孝廉累官冀州刺史 應順舉孝廉事後母至孝庭

中忽生異樹人以為孝感所致十子皆有才名 蔡玄

通五經門徒千餘人官至侍中 應奉性聰慧讀書五

行俱下為司隸校尉守正不阿黨事起稱疾而退 應

劭奉之子舉孝廉為太山守曹操專政劭棄官歸作春

秋斷獄又著漢禮儀 應瑒順六世孫以文學名識治

體仕魏為五官將 應璩瑒之弟好學善屬文仕魏官

至侍中 應貞璩之子有文學官至散騎常侍 晉王
隱少好學不交勢力元帝時為著作郎令撰國史 應
璩璩之曾孫以才藝文章知名當世仕為太子舍人封
觀陽侯 應玄璩之子嗣官至散騎常侍 應誕玄之
弟有氣幹歷六郡太守龍驤將軍 唐殷侑通經術以
五經及第官至刑部尚書 趙準重義氣嘗平黃巢之
難以功封中書門下平章事 五代符彥卿善騎射有
謀謙恭下士以功封魏國公 皇朝喬維岳性恬退舉

進士明習吏事贈兵部侍郎 萬適喜學問精於老子
書自號遣玄子不求仕進著述甚富 姚仲孫蚤孤事

繼母孝擢進士官至龍圖閣學士 謝文蔚進士甲科

累官集英殿脩撰知濟州上疏言臣下推行新法榜答

禁錮民受其虐

紀勝

集項王氣盖世紫電明雙瞳呼吸八千人提行起江東

赤精斬白蛇叱咤入關中楚滅無英圖漢興有奇功

按劍清八極歸酣歌大風

並李

白 捲簾山對酒上馬雪沾

衣却向嫖姚幕翩翩去若飛

本參

泉聲喧暗竹草色引長

堤故道青山在新田綠樹齊

皇甫茂政

松膠黏琥珀筠粉撲

琅玕

白樂天

雲收少室初晴雨柳拂中橋晚渡津

李楚望

種

柳開河為勝遊隄前常使路人愁陰埋野色萬條思翠

東寒聲千里秋

秦韜玉

本朝初為陳州宣和元年升為淮寧府建隆間避宣祖

諱改潞為商水縣熙寧八年省南頓為鎮入商水項城

二縣元祐元年復

沿革表

溝中流水已成塵溝畔荒涼起

暮雲大抵華夷須一統可能天地更平分

呂蒙正

宛城柳

色遮歸騎蔡水蘋香戀去舟

蘇子瞻

自是天心勞木鐸豈

關陳國有愚臣

劉敞

汝州

倚郭一外縣四

梁縣

襄城

葉

魯山

寶豐

郡號臨汝

州沿革天文張分野禹貢豫州之域周為王畿地春秋

戎蠻子邑戰國屬韓後屬魏秦屬三川郡漢為河南郡

三國魏屬舞陽郡晉屬河南襄城二郡後魏屬汝北魯

陽二郡東魏置北荊州後周改曰和州隋改汝州以汝水為名尋改襄城郡治承休縣唐復為汝州天寶初改州為臨汝郡乾元初復為汝州五代因之

沿革表

縣沿革梁古梁國城漢改為梁縣襄城本春秋鄭汜地周襄王出居於此故名葉古應子國春秋為楚地遷許於葉即此魯山春秋時為鄭邑漢為魯陽縣

寶豐本漢郟城縣地唐析置龍興縣

沿革表

形勝風穴山在汝州東北上有風穴及吳公洞讀書庵

令武山在襄城縣西上有令武將軍祠 黃城山在

葉縣北即子路問津處 鹿臺山在州北有臺狀若蹲

鹿 竈君山在州西南上有普濟廟以祀竈君 雲夢

山在梁縣西南相傳鬼谷子脩道處旁有水簾洞 崆

峒山在州西南黃帝問道於廣成子即此處今有廣成

墓 鳴臯山在州西南上有唐清暑宮 香山在梁縣

東南上有寺塔天池石梁 魯山在魯縣東高出羣山

為一邑巨鎮 堯山在魯山縣西上有堯祠 太史湖

在州境內王素所濬為一郡之勝 廣成澤在州西廣

成子所居之地旁有漢所立廣成苑 巢父井在梁縣

西旁有巢由廟 馬跑泉在梁縣東昔漢武渴馬跑地

而得此泉故名 溫湯泉在州西南唐武后嘗幸此旁

有武后流杯池並碑石 顏魯公祠在州治東

紀勝

人物上古廣成子隱居脩煉或云得道飛昇 漢張宗

鄧禹薦為偏將軍諸將服其勇累遷大中大夫 唐韓

伯俞性至孝有過母撻之泣母怪而問之曰撻之不痛

知母哀矣是以泣也 元結少聰悟舉進士歷官監察

御史撰大唐中興頌 馬燧姿度魁傑李抱玉表為隴

州刺史屢立大功封北平郡王 王虔休有才藝李抱

真以幣招之授兵馬使累功封同昌郡王 五代張仁

謙初為晉兵馬都監後平李繼筠授象州刺史 皇朝

冠珽舉進士授遂州推官討平溪蠻累官樞密直學士

吳幾復登進士第為太學直講歷仕內外官至秘閣

沈宣性至孝葬父母不塞墓附棺而卧同妻負土築

墳旌表其門

紀勝

集望高樓上忽相見看過花開花落時

劉禹錫

晨登歇馬

嶺遙望伏牛山孤出羣峰首熊羆元氣間

宋之問

回看巴

路在雲間寒食離家夢熟還日暮數峯青似染商人說

是汝州山

王建

務閒惟印吏公退只慕僧藥鼎初寒火書

龕欲夜燈

許用晦

汝水無濁波汝山饒奇石大賢為此郡

佳士來如積

孟郊

本朝政和四年賜軍額熙寧五年省寶豐為鎮入魯山

元祐元年復宣和二年改為寶豐縣

沿革表

臨汝舊邦陪

京近輔姬文之化所及首載聲詩地官之籍攸分實繁

兵賦土多巖險民或惰游置使勸農抑為令典分條察

俗蓋有新書

楊億知汝州謝表

我欲龍泉觀夜月崆峒烟雨阻

人行

東坡臨汝城

中春雪消望嵩樓上對岩堯

張耒

記纂淵海卷十九

欽定四庫全書

子部

記纂淵海卷二十

詳校官中書臣涂日煥

侍讀臣孫球覆勘

總校官降調編修臣倉聖脉

校對官學正臣常循

謄錄監生臣王元愷

欽定四庫全書

記纂淵海卷二十

宋 潘自牧 撰

郡縣部

河北東路

大名府

倚郭一
元城

革 大名 內黃 成

外縣十一

臨清 夏津 清平

安 魏 宗城

郡號天雄

郡沿革禹貢冀兗二州之域天文室壁分野本商舊都

周封武庚於此春秋為晉地戰國為魏衛二國之境秦屬東郡漢置魏郡治東漢分魏郡為東西部置都尉魏置陽平郡晉因之劉宋嘗置東陽平郡前燕於此置貴鄉郡尋省後周置魏州隋改州為武陽郡唐武德中復為魏州治貞觀初置都督府龍朔初改為冀中咸亨中復為魏州天寶初改為魏郡屬河北道魏博節度治此乾元初復為魏州號曰天雄軍

地理沿革表

縣沿革元城春秋時沙麓地漢置元城縣 革春秋衛

地隋置莘縣 大名本漢貴鄉地五代唐改為廣晉縣

漢改大名縣 內黃殷河亶甲居相春秋時襄公會於

柯皆此地漢置內黃縣 成安本春秋晉乾侯地後魏

置成安縣 魏周時地名洹水戰國時為魏武侯別郡

漢置魏縣 館陶本春秋晉冠氏邑漢置館陶縣 臨

清本漢清源縣地後魏置臨清縣 夏津本漢鄒縣唐

為夏津縣 清平本漢清陽縣地隋改為清平縣 冠氏

本春秋晉冠氏邑隋置冠氏縣 宗城本漢廣宗縣隋

改宗城縣

地理沿革表

形勝沙麓山在府東春秋沙麓崩晉史卜之後六百年當生聖母後漢王翁孺一門二后果應此兆 愜山在大名縣北漢王延世於此築丘塞河愜人心故名 弇山在莘縣北山有顯仁廟左傳齊閭丘嬰出奔於弇即此 博望岡在內黃縣東南其上高平可遠望也 陶

山在館陶縣南禹貢導水東至館陶即此 琉璃井在臨清西南甃以琉璃泉甚清烈 成安君廟在成安治

西北祠陳餘於此郇城在夏津縣界漢封呂陀樂布為
郇侯皆此地 黃河故道在館陶西南漢河決於館陶

即此 漳河在元城西南其流衝濁遷徙不常 衛河

在府南其流頗清 騎僊樓 喜雨亭 雪香亭 晚

香亭 許公亭 歸雁亭 望春亭 百花塢 東園

梨園並在府治 金堤在府東延袤千餘里漢時築

以障河者

輿地紀勝

人物漢馮楊宣帝時為弘農太守有八子皆為二千石

人號萬石君家 蓋寬饒以明經為郡文學舉方正對策高第奉公不避權要終司隸校尉 杜鄴為荊州刺史蒞政寬厚元壽初以貴戚封侯 馮勤楊魯孫光武時為郎中精勤進忠賜爵關內侯 樂巴傳通經典有技術為永昌太守嘗饗酒救成都之火其事奇驗 晉束皙性寡欲不營貲產舉孝廉茂才皆不就太康中旱為邑人請雨雨三日如注官至尚書郎 唐沈佺期舉進士為脩文館學士弟全交全寧皆有文學 郭震少

有逸材為太學生常捐錢四十萬助貧人之喪年十八
舉進士後封代國公 栢良罷少有異質王真常稱額
似臨淮王面似顏平原後為將年二十四身經戰陣六
十二次以功封平原王圖形凌烟閣 張萬福三世明
經少學騎射德宗朝拜濠州刺史嘗因陽城等論事大
言曰朝廷有直臣官至左金吾將軍圖形凌烟閣 皇
朝李繼勲性質直初加檢校太尉累遷至同平章事弟
繼偓亦武勇官至都指揮使 曹翰少為小吏從太祖

太宗征伐四方皆有大功歷千牛衛上將軍 柳開幼

警悟豪勇舉進士歷官諸州皆有政績太宗以文臣有

武畧擢知寧邊軍有著書行世 劉安世登進士第不

就選從司馬光學問盡心行己之要光教之以誠自不

妄語始調洛州司法歷臺諫言事剛直時人目之為殿

上虎嘗自歎曰吾欲為元祐全人見司馬光於地下

興地紀勝

集百代功勲一日成三年五度換雙旌閒來不對人論

戰難處長時自請行旗下可聞誅敗將陣頭多是用強

兵當朝面受新恩去為報妖星不教生 功成誰不擁

藩方富貴還須是本鄉

並王

漢家簫鼓空流水魏國山

河半夕陽

白樂天

魁宿絢光臨分野台星煥彩燭名都

前人

漢家東郡國唐代義成軍日月乾坤裏山河晉魏分一

書褒美德九錫賚殊勲二傑今安在西山空白雲

龐雲卿

本朝慶歷二年建為北京八年始置大名府路熙寧六

年省大名縣為鎮入元城治政和六年徙大名縣治為

南樂鎮熙寧六年省洹水縣為鎮入成安熙寧五年省

永濟為鎮入館陶熙寧二年割博平縣隸清平熙寧五

年省臨清為鎮以宗城縣入

沿革表

長河終歲足悲風亭

古臺荒半倚空惟有燕歸時最早柳含微綠杏粘紅

東風楊柳杏花飛曾伴先生酒一卮前輩風流那復見

小亭烟雨謾相思沙麓百戰場烏鹵不敏樹

並歐陽脩

開德府

倚郭一濮陽外縣六

觀城

臨河

清豐

街

南

朝城

南樂

鎮寧軍節度

郡號澶淵

郡沿革天文室壁分野禹貢冀兗二州之域春秋時地名澶淵屬衛秦為東郡地漢為頓邱縣地屬魏郡晉為頓丘郡及魏郡地隋為東郡及武陽郡地唐置澶州又分置澶水縣貞觀中廢州以縣屬魏州後復置五代晉陞鎮寧軍本朝陞為開德府

沿革表

縣沿革漢陽古顓頊之墟曰帝丘晉徙治濮陽觀城本古之觀國隋改觀城縣臨河以地近黃河故名

清豐古頓丘地唐改為清豐縣以孝子張清豐故名

衛南以地在衛水之南 朝城本春秋衛國東北地唐

改為朝城以縣東有古廟古城故名 南樂本漢樂昌

縣五代唐改南樂縣

同上

形勝洪洋山在郡東南秀麗峻嶒為一郡之望 衛陽

山在府東南居衛之陽 秋山在清豐縣西山海經云

帝嚳葬於此山 淇水在臨河東南綿麗太行而東入

於海 澶水在清豐西伏流至古繁水城西南謂之繁

泉 御井泉在府治南 放鶴池在觀城境相傳衛靈
公養鶴之所 二賢堂在朝城縣境上有臧洪陳榮祠
人物上古蒼頡生而神聖有四目始製文字以代結繩
之政 漢索盧放以尚書教授子弟千餘人光武徵為
諫議大夫數獻忠讜 成公蘭家世二千石與周馥齊
名官至散騎常侍 南北朝李崇性寬厚有謀事魏為
荊州刺史氐人作亂討平之累遷徐州大都督 董徵
身長七尺博通經史事魏四門小學博士教授諸王累

遷光祿大夫 隋華秋家貧傭賃以養母母終負土成墳郡縣以事聞旌表之 唐張公瑾貞觀初為代州都督有惠政 南霽雲同張巡守睢陽城陷死節 皇朝陳興事太宗屢從征伐斬獲甚衆官至都指揮使 陳琰進士及第累官監察御史父喪哀毀墓上生連理枝 孝感所致 趙延進從太宗討幽州以督造戰具有功 遷大將軍 張田登進士第以歐陽脩薦通判廣信軍 歷知數州政有賢績常作歛忠堂繪古清刺史像日夕

拜之官至龍圖閣學士

並輿地紀勝

集南星中大火將子涉清淇西林映微月征旆空自持

碧潭去已遠瑤華折遺誰君問遼陽戍搖搖天際旗

陳子

昂

古塔對河堧長林幽淇口

高適

溟漫望雲海蕭條聽風

水蠶農有時節田野無閒人臨水狎漁商望山懷隱

倫野寺荒臺晚天寒古木悲空階有鳥迹猶似造書

時

並同上

本朝建寧四年建為北輔五年陞為輔郡宣和二年罷輔

郡仍隸河北東路皇祐元年省觀城入濮陽四年復慶
歷四年徙清豐縣治德清軍即縣置軍使隸州熙寧六
年省頓邱入清豐崇寧四年以朝城南樂來隸開德府

沿革表

祖帳飄揚堤柳邊北來飛蓋復翩翩追隨不忍輕

言別回首城樓沒晚烟

梅

能吏於今少春令及此行英

雄餘戰伐犴獄寄廉平

陳無已

滄州

倚郭一清池
外縣四無棣

鹽山

樂陵

南皮

橫海軍節度

郡號景城

郡沿革天文箕尾分野禹貢冀州之域春秋戰國時為燕齊二國境漢置渤海郡治浮陽東漢徙治南皮晉為渤海國宋為渤海郡後魏置滄州隋為渤海郡治陽信地後徙治清池唐改滄州天寶初改景城郡乾元初復為滄州唐末置義昌軍五代梁為順化軍唐改橫海軍本朝省長蘆入渭地

沿革表

縣沿革清池漢渤海郡地隋改為清池縣 無棣本春

秋無棣邑漢屬渤海郡 鹽山本漢高城縣隋置浮水

縣尋改鹽山縣以地有鹽山故名 樂陵周時為齊北

境漢為陽信縣地屬渤海郡隋置樂陵縣 南皮本漢

舊縣因章武有北皮亭故此曰南皮

同上

形勝篋山在鹽山縣東南四十里一名峽山 鹽山在

縣東南以地產鹽故名 漢武臺在鹽山縣相傳漢武

帝所築 燕友臺在南皮縣東魏文帝築臺於此以燕

友故名 觀臺在南皮縣曹操擒袁譚處 浮河在州

南浮水之陽 毛河在州西南東北入海 湯通河在

清池縣東唐開元中開 尹吉甫墓在南皮縣西三十里

趙武靈王墓在州城東南有廟 雋不疑墓在南皮

縣東南 木門城在州西北春秋魏侯弟鱄出奔晉托

於木門即此 卅兮城在鹽山縣東北秦始皇發童男

女千人至海求蓬萊仙因築此城 五壘城在清池縣

西南漢宣帝封河間獻王子雍為景城侯五子分居城

中俗呼五壘城 盟亭在州境內燕齊二國常結盟於

此鐵獅子在州城內開元寺五代周世宗時所鑄

勝紀

人物漢鮑宣好學漢成帝朝舉孝廉為郎官至諫議大夫以直忤宰相下廷尉太學儒生救者千餘人巴肅

值竇武謀誅宦官遇害甚多肅自詣縣死賈琮立碑記之雋不疑治春秋為郡文學進退必以禮昭帝時擢京兆尹吏民敬其威信其母甚賢常戒故不疑為吏嚴而不殘晉石苞雅曠有智而容儀偉麗累官大司馬其子崇為脩武令有能名財業豐積室宇宏麗庖膳

窮水陸之珍 南北朝李鉉家素貧常春夏務農秋冬
入學從李用仁受毛詩尚書北齊時遷國子博士 唐
高適玄宗時舉有道科官至諫議大夫負氣敢言權近
側目五十始學詩即工傳布甚廣 賈耽天寶中舉明
經遷汾州刺史政有異績累官尚書同平章事耽嗜觀
書老益勤尤悉地里世謂淳德有常者 皇朝索相開
寶舉進士釋褐鄆州司理叅軍州有大獄千五百人相
按鞠事隨以白撫愛閭閻興利革弊民甚便之 張知

白同中書平章事在位重名器無毫髮之私雖貴顯清
約如寒士 張凝少勇武個儻為殿前都虞候善撫士

卒賞賜多以犒師家無餘貲贈章德軍節度

同上

集自歎馬卿長帶病還嗟李廣未封侯 棠梨宮裏瞻

龍袞細柳營前着豹裘 芳草伴人還易老落花隨水

亦東流山當睥睨常多雨地接瀟湘畏及秋惟羨君為

周柱史手持黃紙到滄州

並李從一

本朝熙寧四年省饒安縣為鎮入清池政和二年改巷

姑曰海清治平中徙無棣縣治保順軍即縣治置軍使

隸州熙寧二年徙樂陵治咸平郡熙寧六年省臨津縣

入南皮

沿革表

解組滄溟畔攜家紫翠間地臨雙巷勝天

與兩年間茅屋靜聞雨竹籬疎見山

陳伯和

滄城近河歲

增隄防猶懼奔溢矧妄有開鑿乎

高賦上三塘泊賦

瀟水悠悠

天際來夾江古木抱山迴柵中人物不滿把日晏市散

多蒼苔九疑巉天古雲埋遙想帝子龍車迴

沈霽達

荒灣

野水氣象古高林翠阜相回環新篁抽筒添夏影老卉

亂發爭春妍

歐陽永叔

一麾新命古三齊
白首滄州願已違

軒冕從來為外物
山川信美獨思歸
長天極目無飛鳥

積雪生光射落暉

同上

冀州

倚郭一外縣五

信都

蓍

南宮

秦強

武邑

衡水

郡號信都

州沿革天文昴畢分野
禹貢冀州之域春秋晉東陽地
秦屬鉅鹿郡漢為信都縣
立信都國於此景帝時改廣

川國後復信都國東漢名安平國後置冀州治此晉改
長樂國後魏改長樂郡隋為信都郡唐改冀州尋改魏
州後復舊名天寶初改信都郡乾元初復冀州治信都
縣本朝增置武安軍

沿革表

縣沿革信都春秋時晉東陽地漢隸信都國 修漢脩
縣隋改為脩縣 南宮本漢舊縣隋屬冀州 棗強本

漢舊縣其地棗木強盛故名 武邑漢舊縣北齊廢晉

置武邑縣 衡水漢信都國桃縣地隋屬冀州

同上

形勝棗山在州城 武強山在武強縣境內漢置縣取
此義 紫薇山在信都東北 洺水在州治北 百花
樓在州治東 避暑亭在信都西郊 賣漿臺在棗強
縣北相傳姜太公未遇時賣漿於此 棘津城在棗強
縣境內左傳晉荀吳率師涉自棘津即此 觀津城在
武邑縣東南即趙國封樂毅處 扶柳城在縣西即劉
植據城以迎世祖處 桃城在州西北 南亭在南宮
縣漢光武遇大雨入此亭馮異鄧禹抱薪焚火對竈燎

衣即此

興地
紀勝

人物周呂望隱東海聞文王善養老來歸佐武王取天下封太師 卻缺晉大夫芮之子窮居耨於野其妻饋之相敬如賓曰季見之言諸文公用為下軍大夫復與之冀為采邑因以為氏 漢董仲舒為漢大儒武帝時上天人三策 南北朝蘓侃少涉獵書傳事南齊為冠軍參軍深自刻勵為高帝委用 劉蘭年三十始受學遂以儒學名聚徒二百人長於左氏精博經史為儒者

所宗 孟信家貧寒從孝武入朝官至陳州太守尚寬
和居官清介室無餘貲 隋孫萬壽幼學五經博涉子
史善屬文隋初拜豫章王長史有文集十三卷 唐蘇
定方太宗時為將有功平三國皆生執其主累遷幽州
都督 孔穎達孔子三十二世孫日記千餘言善屬文
累官國子祭酒纂五經正義其子志孫惠俱為司業時
人美之 葛文遠博涉羣書尤精春秋太宗時與十八
學士之選其宗人文懿亦以儒學稱時號為二葛 蘇

安恒武后時嘗上書勸太后歸政於太子且曰天下者
高祖太宗之天下非李氏不王時論稱之 杜景儉性

嚴正舉明經中第為司刑丞與來俊臣同治獄時人稱
之曰遇杜者生遇來者死累官同平章事武后稱其為
真宰相 劉幽求舉制科為朝邑尉嘗恨桓彥範不誅
武三思以為必有後患果如其言官至中書三品 田

神功初為縣吏後以破賊有功累遷太子太師且事親
至孝官至司徒 孔巢父孔子三十七世孫少力學薦

為叅軍德宗時與李白韓準裴政張叔明陶渢號竹溪六逸 皇朝荆嗣祖為晉州兵馬鈐轄嗣以應募累立

戰功太宗時遷都指揮使 傳思讓有力善射以破契

丹功四遷容州觀察使 田況少卓犖有大志舉進士

甲科嘗上治邊十四事 李濬父起有陰德濬舉進士

為御史屢上言事臺中稱直後擢樞密直學士

同上

集魚下碧潭當鏡躍鳥還青嶂拂屏飛去時未免人來

往欲買嚴公舊釣磯

高適

初年三十拜將軍近代英雄獨

未聞向國報恩心
比石辭天作鎮氣
凌雲逆風走馬貂

裘卷望塞懸弧雁
陣分空擁節麾從
此去安西大破犬

羊羣李德新赤羽千夫膳
黃河十月永橫行
沙漠外神速

至今稱杜甫燕趙悲歌
士相逢劇孟家寸
心言不盡前路

日將斜錢仲文雙旌漢飛
將萬里獨橫戈春
色臨關盡黃

雲出塞多鼓鼙悲
絕漠烽戍隔長河
想到陰山路天驕

已請和郎士元

本朝慶曆八年陞
武安軍節度皇祐
四年升新河鎮為

縣廢南宮六年省新河為鎮入焉熙寧元年省棗強入

信都十年復置

沿革表

莫嫌此壘是邊州試聽山河說上

游帳下文書三幕府馬前韃韞五諸侯王藩故社經徐

國俠窟餘風解報仇四十年来民緩帶使君何事不輕

裘

宋子京

地涼宜牧馬塞近慣調兵為寄井泉石老來思

目明

王正美

河間府

倚郭一外縣二

河間

樂壽

東城

瀛海軍節度

郡號河間瀛海

郡沿革天文禹貢冀州之域箕尾分野春秋時為晉樂陽地戰國時為燕趙齊三國之境秦為鉅鹿上谷二郡地漢置河間國東漢入信都和帝時復舊後魏於樂城縣立瀛州後置河間郡隋罷郡置瀛州大業初改為河間郡唐改瀛州天寶初仍為河間乾元初復為瀛州五代晉初入遼周復取之本朝陞為河間府

沿革表

縣沿革河間周為唐叔封邑漢為周鄉侯國魏置河間

縣 樂壽本隋樂城縣唐改樂壽 東城在河間縣本漢

東州縣隋置東城縣

同上

形勝瀛臺在郡城東南高五丈四望極遠其下有濠水
之派 高陽臺在河間縣東與瀛臺相望 天王臺在

郡城門內上有古殿壇并像 毛公書院在河間縣尊

福鄉祀漢毛萇下有萇墓 東州城在河間縣如林鄉

武垣城在郡西南漢武帝初巡狩至此望氣者言有

異女訪之得趙氏以為鉤弋夫人 麴義壘在河間東

漢公孫瓚破黃巾遣人來此為令袁紹令麴義攻之即

此毛精壘在河間縣因有毛萇宅故名

輿地紀勝

人物漢劉輔漢宗室舉孝廉擢諫議大夫成帝欲立趙婕妤為后封婕妤父為列侯輔上疏言腐木不可以為柱卑人不可以為主上怒繫獄羣臣救之得減死邢顓舉孝廉司徒聘之皆不就時人稱之曰德行堂堂後仕魏遷尚書僕射南北朝馬敬德好儒術北齊時宣至都授國子助教尋陞為祭酒朝廷師事之信都芳

少習篆書嘗集五經篆事及古今樂事為書又聚渾天歌器以諸巧藝稱 楊慶祖玄父剛並以至孝馳名慶美姿儀頗涉書記郡舉孝廉慶以事養不就母有疾不解帶者七旬母卒哀毀骨立負土成墳北齊旌表其門 隋授平陽太守卒年八十五 隋尹式博學善屬文仁壽中官至漢王記室其族人正卿彥卿俱有俊才並顯於世 劉善經博物洽聞歷官太子舍人著述甚富 盧大翼七歲日誦數千言州里號神童既長博綜羣書

隱林慮山中授業者自遠方來其所言天文事多應驗
煬帝重之 唐張濬汎知書史官至度支貲外黃巢作
亂僖宗召拜諫議大夫時王敬武欲臣賊濬喻以君臣
大義且謂諸將曰何不共誅大盜奉迎天子敬武愧服
賊平拜中書門下平章事 皇朝張昭十歲誦書數萬
言及長博洽經史太祖時拜吏部尚書嶺南平遣使就
卧疾處問獻俘禮昭可否以對皆有證據時人服其該
博 李璘因契丹犯邊陳友妄殺璘父及家屬三人後

報父仇手及友而不遁去朝廷壯而釋之 張慤元祐

中進士累遷龍圖閣學士都轉運使高宗為大元帥諸

道勤王慤飛輓踵道聞二帝北狩極言中原不可一日

無君又募民合力抗敵在朝諤諤有大臣節及卒朝廷

稱為古之遺直 權邦彥崇寧中以上舍登第累官簽

樞密院事嘗獻十議以圖中興著書十卷號瀛海殘編

集王子賓仙去飄飄跨鶴飛徒聞滄海變不見白雲歸

宋廷鳥歸沙有迹帆過浪無痕同倉卒滹沱渡如何便

清

合冰非干權濟事天佐漢中興克雄我恨身不翼飛騰上

蓬瀛

封回

烟霞壁立水溶溶路轉崖回旦暮中鵲鵲畏人

沉澗底山羊投石掛巖松

薛陶臣

星河似向簷前落鼓角

驚從地底迴

元微之

夜久潮侵岸天寒月近城

常建

繞郭烟

嵐新雨後滿山樓閣上燈初人聲曉動千門闕海色霄

涵萬象虛

元微之

浮槎萬里過滄溟徧禮名山適性靈深

夜降龍潭水黑新秋放鶴野田青

劉夢得

沙村好處多逢

寺山葉紅時覺勝春

同

層城渺渺人傷別芳草淒淒客

倦遊平樂舊歡收不得更憑飛夢到瀛洲

胡宿

北登渤海

島回首秦東門誰尸造物功鑿此天池源秦帝曾經此
登臨異飛翻揚旌百神會望日羣山奔徐福意何成羨
門徒空言惟見石橋足千年潮水痕

賀蘭進明

本朝至道二年以高陽隸順安軍太平興國元年改名

高陽關慶厯八年始置高陽關路安撫使大觀二年陞

為府賜軍額

沿革表

夙有滄洲趣雲扃夢幾迴臨深疑地

盡望遠覺天開月湧冰輪出濤翻雪陣來無機同海客

鷗鳥莫相猜

吳彦高

潮蹙三山島烟橫萬里沙
蜃樓春作市

鼉鼓暮催衙一曲水仙操片帆漁父家

同上

博州

倚郭一外縣三

聊城

高唐堂邑

博平

博平郡防禦

郡號博平

州沿革天文禹貢兗州之域危室分野春秋時齊西鄙

聊攝地戰國為魏齊趙三國之境秦漢為東郡地曹魏

隸平原郡晉因之劉宋嘗置魏郡後魏置南冀州及平

原郡治聊城未幾州廢隋初郡廢後置博州太業初州廢唐初復置天寶初改博平郡乾元初復為博州

沿革表

縣沿革聊城本春秋時聊攝地秦置聊城縣屬東郡漢因之魏晉俱屬平原郡北齊改屬濟州隋初屬平原郡尋於此置博州唐為博州治五代周省武水縣入焉

高唐本春秋齊之高唐邑漢始置縣屬平原郡唐改為高唐縣屬博州堂邑本漢發干清二縣地屬東郡隋時於此置堂邑縣博平本齊博陵邑漢為博平縣

同上

形勝在州東漢在平縣治 會通河在州東南

漯河在高唐縣西 鳴犢河在高唐南漢河決於鳴犢

即此 玉環井在聊城縣西南井中有白石如玉鑿其中渾然有井甃 望嶽樓在郡東北可登以望岱嶽

四知堂在堂邑縣治 綠雲亭在郡西北 晉文公臺

在博平地相傳晉文公自狄奔齊桓公以女妻之即此

東方朔廟在高唐縣北 鄭元操祠在堂邑治 高

陽氏陵墓在郡西北陵前有聖水井旱禱雨即應 燕

子塚在博平縣東漢吳王及七國反齊王不同謀而被殺後有燕子銜泥置塚上故名 微子城在縣北相傳微子常封於此 古聊城在本縣西北昔燕既拔聊城田單攻之不下魯仲連射書以諭其將乃自殺即此

麒麟碣在郡學內載鄉賢淳于髡等三十人贊取漢麟

麟閣意而名

輿地紀勝

人物漢劉瓚太原太守常以直言坐罪陳蕃上疏力救不免天下寃之 三國華歆性清介事魏為御史累遷

太尉朝廷所賜悉以賑親族而清貧自守 晉王鑒少
以文筆著稱初為瑯琊國侍郎拜駙馬與弟濤及弟子
戲並有才名 劉寔好學博通今古以世多進趨乃謙
遜著崇讓論以矯之累官太傅以列侯就第賜几杖不
朝 劉智寔之弟有兄風少貧窶每負薪自給誦讀不
輟仕為潁川太守遷至尚書太常著述行世 南北朝
劉昭幼清警既長勤學屬文事梁卒於剡令所著有後
漢等書百餘卷子劉緇亦好學位尚書 唐崔元畧登

進士第官至節度使弟元式中書門下平章事 張鎰

魁梧有大志仕至中書侍郎同平章事廉介不殖貲產
論議有體天下稱為舊德云 崔賢素有高志造詣深

遠尤善詩歌初擢進士又中宏詞科遷侍御史特立風

采官至秘書監 皇朝胥居潤性明敏有節概仕檢校

太尉 張遜初輔左班殿直從征太原遷副使官至樞

密子敏中次子虛中俱為顯秩 廉公諤為萊蕪令民

歌曰甌釜生塵魚境內安以樂昔聞范史雲今見廉公

謬累官司農少卿 劉謙魯祖直以淳厚聞有盜其衣
者既得亦不問謙為保定軍節度使嘗上言邊城早寒
請六月給冬衣後以為例 孫奭幼師里中王轍轍門
人數百皆從奭問經以九經及第為莒縣主簿累官龍
圖閣待制時上好天書奭曰天何言哉豈有書也上優
容之

同上

集新花臨御陌春色起天園河間獻某語斯道愧能論
香浮鬱金酒煙繞鳳凰樽微風颺清管輕雨發陳根

並梁
孝元

吾家青萍劍，操割有餘閒。往來糾二邑，此去何時

還。鞍馬月橋南，光輝岐路間。賢豪相追隨，却到棲霞山。

李
白津頭却望後湖岸，別處已隔東山雲。

獨孤
至之

本朝淳化三年，河決移治於孝武渡。熙寧二年，割明靈

砦隸博州。

沿革
表

早發東阿縣，暮宿高唐州。捨人達幾微。

志士懷隱憂，山河已歷歷。天地空悠悠。

文天
祥

高唐不是

那高唐風物，由來各異鄉。若向此中望雲雨，只應愁殺

楚襄王。

黃夷仲口占
戲高唐令

野橋西望見高唐，城上依稀塔影

長方朔古碑堆蔓草晉文遺廟廢殘陽依依遠樹秋煙
斷漠漠平沙故壘荒

宋與誠

棣州

倚郭一外縣二

厭次商河

陽信

郡號樂安

州沿革天文危分野禹貢青州之域秦為齊郡地漢為
平原渤海二郡地三國魏分置樂陵郡晉為樂安樂陵
二國地隋置棣州治陽信縣後罷唐復置樂陵天寶改
為樂安郡乾元初復為州五代梁徙治東南本朝復徙

於此

沿革表

縣沿革厭次本棣州地屬樂陵唐又移治厭次后省厭次入樂安州 商河本漢縣屬平原郡又為後魏千乘郡隰沃縣地北齊省隰沃入商河後廢隋復置商河縣 陽信本漢縣屬渤海郡本朝屬棣州

同上

形勝謝恩臺在州南二里 千乘城在陽信縣西 博昌城在陽信縣 瑗城在陽信縣亦名連城王莽更名東順亭 馬嶺城在陽信東南北魏移厭次於此 黃

巾寨在陽信東北曹操領兗州刺史追黃巾精兵三十萬屯此地故名 狼邱塚在陽信東南相傳薛仁貴征東時憩此野火將燃有一狼以身取水展草火至而熄

富平城在陽信東南漢張延壽錫封之邑 廣野軒

在州東南隅 廉頗墓在州境上有祠 藺相如墓在

陽信縣東 商河在縣南 索河在州南淤為平壤民

獲桑麻之利

興地
紀勝

人物唐任敬臣五歲喪母哀毀過制七歲問父英曰若

何可報母英曰揚名顯親乃刻志從學十六舉秀才又三年舉孝廉授正字父亡數痛絕繼母曰兒不勝喪謂孝可乎敬臣勉進饘粥累官弘文館學士五代李愚好學善屬文梁時舉進士宏詞科後仕唐拜翰林學士從郭崇韜伐蜀有功累遷中書侍郎同平章事愚為相欲遵古法以創禮請頒六典示百司作鄉飲酒禮皇朝張令鐸少貧勇力太祖時遷都虞候征李筠有功為震寧軍節度使太祖弟光美娶其女自謂從軍三十年

大小四十戰未嘗妄殺一人 張凝少武勇太宗在藩

邸聞其名以為天雄軍都監真宗時率兵擊契丹為賊

所執其子昭遠從行即單騎突入陣中掖凝以出左右

披靡累遷靈州安撫使大破契丹

同上

集日之升也浴海而麗天嶽之峻也切漢而臨邊登高

者以致九霄之上愛景者欲在萬人之先 千宮瑞色

思効祇以凝升萬壑春雲欲入封而空上

並丁春
澤賦

水入

北湖去舟從南浦回遙看雞山轉却似送人來

李
白野亭

逼湖水歇馬高林間
鼉吼風披浪魚跳日映山

杜甫

本朝建隆二年升為團練又為防禦大中祥符八年移

治陽信縣界

沿革表

城隅荒僻地瀟灑一時虛雅有林泉

樂閑同郊野居小園春自好幽徑客來疎不學樊遲稼

虞卿喜著書

張之才

楊柳巧含烟景合芙蓉爭帶露華開

城頭山色相圍坐眼底波聲四面來
湖面平隨水

長碧天垂影入清光一川風露荷花曉六月蓬瀛蒸坐

涼

並魯子固

春陰柳絮不能飛雨足蒲芽綠正肥

趙孟頫

莫州 倚郭一 任丘

郡號文安

州沿革天文箕尾分野禹貢冀州之域漢為鄆縣隋屬瀛州唐置鄭州改鄭為莫本朝因之

沿革表

縣沿革任丘本漢鄭州地屬涿郡漢平帝使中郎將任丘城此因名任丘縣

沿革表

形勝白馬峰在州境其狀如馬 桂巖在任丘縣境巖

多桂木 濡水在鄭州西左傳齊侯伐燕盟於濡水即

此 滏水在任丘縣西 易水在任丘西西流合滹沱而達於海 掘鯉淀在任丘東南唐志言鄭州有九十九淀此其一也 長豐渠在任丘縣西北渠可溉田

魚君陂在任丘縣境開元中縣令魚思賢開故名 虞丘臺在任丘縣北相傳漢吾丘壽王讀書於此吾虞聲相近故訛為虞丘云 長桑君廟在州城東即扁鵲師扁鵲廟在長桑君廟西 顓頊城在州東北即顓頊

羣臣謁於此故名 高廓城在鄭州西南二十六里漢

宣帝封河間獻王子暭為高廓侯即此 長豐城在任

丘北六十里本秦漢利豐縣北齊廢唐復置因縣北有

長豐故名 扁鵲故宅在鄭州東門外有藥王祖業莊

神白在任丘南三十里邢子昂三郡志白受一石二

斗晉有沙門移於寺經宿血滿其中移於舊所復淨如

洗輿地紀勝

人物漢張敏鄭人少好學舉孝廉四遷尚書多所建明

張超鄭人有文行漢靈帝時從車騎將軍朱雋討黃巾有功為別部司馬著賦頌箋檄等文又善草書世多寶之 三國張郃鄭人為魏偏將軍立功頗多封都鄉侯 南北朝邢祐鄭人少有學知名於時仕魏至成平侯子產舉秀才除著作郎從子蚪尚書殿中郎蚪有子臧為樂安內史有吏政召為黃門侍郎 張羨鄭人好學仕周累官司成大夫甚為當時所重 黎景熙鄭州人性強記以學行聞仕周拜著作郎儀同三司 隋

張照羨子好學有父風仕周歷膳部大夫進爵為伯

皇朝邢昺鄭人應九經擢上第歷官刑部尚書

同上

集渚烟空翠合灘月碎江流澧浦無芳草滄波有釣舟

山晚雲和雪汀寒月映霜由來濯纓處漁父愛滄浪

並皇甫
茂政

一官成白首萬里寄滄州久被浮名累能無愧

海鷗

劉丈
房

坐歇青松晚行吟白日長人烟隔水見草氣

入林香

皇甫
茂政

空城流水在荒驛舊村稀秋日平原上蟲

鳴桑葉飛

李從
一

位高湯左相權總漢諸侯不改周南化

仍分趙北憂雙旌過易水千騎入幽州塞草連天暮邊

風動地秋無因陪遠道結束佩吳鉤

皇甫茂政

本朝豐寧六年省長豐縣鎮又省鄭縣入任邱元祐二

年復鄭縣尋罷又為鎮

沿革

潮聲半夜來寒渚夜色深

秋照舊牕

劉貢父

一峯孤起勢崔巍秀色拖藍入酒盃靈

藥已從清路得平湖嘗泛宿雲回翰林明月舟中過司

馬虛亭竹外開我亦退公思蠟屐會看歸路野人來

曾鞏

雄州

倚郭一外縣一

歸信客城

郡號易陽

州沿革天文尾箕燕昂畢分野禹貢冀州之域本漢易縣屬涿郡後漢屬河間國晉改為易城縣後魏屬上谷郡北齊省入鄭縣隋屬河間郡唐初於此置北義州貞觀六年州廢八年復置歸義縣屬州五代初置瓦橋關周為雄州本朝因之

沿革表

縣沿革歸信周時雄州地本朝置歸信縣 容城漢舊

縣屬涿郡東漢省唐初名容城

同上

形勝大雄山在州西高峙數十丈 小雄山在大雄山
左多奇峯有甘泉出焉 雄河在歸信縣南東入海
均樂亭在州治舊名望山亭 瓦橋關在州境為三關
之一 三臺城在容城縣境昔燕魏分易水為戒築三
臺以耀武 亞谷城在歸信縣西漢景帝封降王盧佗為
亞谷侯即此 易京城在州境南臨水漢公孫瓚所築
人物南北朝陳奇魏人少孤奉母至孝博通經史尤精
於易常非鄭玄馬融解經失旨後補秘書高允稱其非

凡學可及 皇朝趙信歸信人景德中為隰州兵馬累

功遷龍神四廂都指揮使歷知數州剛強自負喜謀輕

財衆樂為用 趙珣信之子工騎射仕至顯官 趙瑜

珣之弟與兄齊名亦至顯官 趙璞瑜之弟亦英偉知

名當世

並輿地紀勝

集北地寒應苦南庭戍不歸雨雪關山暗風霜草木稀

皇甫茂政登高望燕代日夕生夏雲司徒擁精甲誓將除國

氛韋應物易水南邊是白溝北人為界海東頭前人雖無壯

士節與世亦殊倫高盼邈四海豪右何足陳

左大冲

東逾

遼海北溱沱星象風雲喜色和紫氣關臨天地濶黃金

臺貯俊賢多

杜甫

本朝政和三年賜郡名曰易陽建隆四年復置陽城

沿革

表

古關哀柳聚寒鴉駐馬城頭日影斜猶去西樓二千

里行人到此莫思家

歐陽脩

馬頭今日過中都到得雄州

更有書道路莫愁音問少天寒沙漠雁全疎

彭汝礪

濟曲

笛聲出禁牆邊城一聽醉千觴明朝便是南歸客已覺

身依日月傍

沈文通

客行相聚且一醉不見越人空古邱

曾子

固

霸州

倚郭一外縣一

文安

大城

郡號永清

州沿革天文箕尾分野禹貢冀州之域本秦上谷郡地

漢屬渤海郡後漢屬廣陽郡晉屬章武國隋初屬瀛州

後屬涿郡唐屬幽州後改為永清縣即益津關也後周

克復益津關始置霸州

沿革表

縣沿革文安漢舊縣唐屬霸州 大城漢東平舒縣五

代周屬霸州

同上

形勝莫金山在州城東南 南山在州城東其山喬松

脩竹周匝十數里有臺榭為一郡之望 雁頭山在

州城東南 巨馬河在州南自直沽入於海 文安潭

在縣北高橋淀在霸州東周延三十里 安信城在州

東古為峪口關 圻城在州東楊彥朗屯兵於此以拒

契丹 廣陵城在文安縣西北

輿地紀勝

人物漢周堪宣帝時論經石渠惟堪最高元帝時與蕭望之並領尚書以師傅見尊重後遷太子太傅 南北

朝周惠達文安人後周文帝時進爵為公兼尚書僕射
謙退下人喜拔良士當時重之 皇朝張暉大城人太

祖時從征澤潞并蜀躬撫士卒人忘其勞

同上

集雨露從邊起旌旗上隴遙暮天沙漠漠空磧馬蕭蕭

塞路隨河水關城外柳條和戎先罷戰知勝霍嫫姚

皇甫

孝常雲靜妖星落秋高塞馬肥據鞍雄劍動搖筆羽書飛

方期成獻凱歌舞共春暉

杜必簡

五原烽火急六郡羽書

催冰狀飛狐冷霜濃候雁哀

沈佺期

將軍朝受鉞戰士夜

叩枚紫塞金河裏葱山鐵勒隈

同

燕郊芳歲晚殘雪動

邊城露重寶刀濕沙虛金鼓鳴

崔顥

本朝政和三年賜郡曰永清景祐二年廢永清入文安

元豐四年割鹿角砦隸信安軍政和三年改劉家窩砦

曰安平阿翁曰仁孝雁頭曰和寧喜渴曰喜安

沿革表

重

關深鎖白雲收天際諸峯黛色流北枕龍沙通絕漠南

臨鳳闕壯神州 煙生睥睨千巖曉 露濕芙蓉萬壑秋

王氣自應成五彩 龍文長傍日光浮

並曾祭

亂山環合疑

無路小徑縈迴長傍溪

蘇子瞻

德州

倚郭一外縣一

安德平原

郡號平原

州沿革天文危分野禹貢青州之域本齊郡地漢析置平原郡治平原縣東漢晉魏俱為平原國後魏改為郡又置安德郡隋置德州屬平原郡唐置德州尋改平原

郡乾元初復為德州治安德縣五代晉移治長河縣本

朝移治安德

沿革表

縣沿革安德本夏侯國漢為平昌縣唐改為德安本
朝省為安德 平原漢置縣為平原郡治晉屬平原國
後魏徙置聊城而以縣屬清州尋屬安德郡又改屬德

州

同上

形勝望遠臺在平原縣平原嶺可望百餘里 安德城
在德州境漢所置 衛河在州城西經河間界入海 廣

川樓在州境內 陳公堤在州東南北底大海 董子

讀書臺在德州境內 基山在安德西二十里 篤馬

河在州城東 龍泉井在安德縣寺內其水甘潔雖大

旱不竭 黑水潭在安德縣西望之其水如黛上有龍

王廟 長魁臺在安德縣東 觀蓮臺在安德西相傳

昔劉關張至此見池蓮盛開築臺起樓 東方朔畫像

贊在平原縣治內晉夏侯湛譔唐顏真卿書

紀勝

人物漢東方朔平原人武帝時上書稱旨待詔金馬門

遷大中大夫給事中 高詡平原人世傳魯詩以清操
知名光武徵拜大司農 成翊世平原人好學明道術
除尚書正色立朝百寮敬憚 三國管輅平原人明周
易精天文每言輒應 晉劉寔平原人博通古今累官
吏部郎叅相國軍事 南北朝劉杳平原人伯懷珍父
懷慰皆至顯宦杳博綜羣書事梁官至尚書左丞著書
甚多 明亮平原人有識幹仕魏遷陽平太守清白愛
人甚有惠政 皇朝張雍安德人開寶中進士累官右

諫議大夫尚書右丞蒞事勤恪集會賓座羈食而已

單煦平原人舉進士歷數州皆有政績累遷光祿卿

同

集柴門豈斷施行馬魯酒那堪醉近臣賴有軍中遺令

在猶將談笑對風塵

鮑子慎

秋日平原路蟲鳴桑葉飛

李從

一江涵秋影雁初飛與客攜壺上翠微塵世難逢開口

笑菊花須插滿頭歸

杜牧之

古往今來只如此牛山何必

淚沾衣

天接海門秋水色煙籠隋苑暮鐘聲

同

本朝景祐二年廢安陵縣入將陵又後割屬永靜軍熙

寧六年省德平縣為鎮入安德

沿革表

柳搖楚館牽新恨

花落吳宮憶舊游
渴想和羹梅已熟
饑思進飯麥初收

汪水雲

青徐氣接川原秀
常碣風連草木薰

曾子固

平原太

守顏真卿長安天子不知名
一朝漁陽動鼓輦大河以

北無堅城君家兄弟奮戈起
一十七郡連夏盟

文天祥公

死於今六百年精忠赫赫雷行天

同上

濱州

倚郭一外縣一

渤海招安

郡號渤海

州沿革天文危分野禹貢青州之域春秋時齊地晉屬樂陵國隋屬渤海郡唐屬樂安郡五代唐置權鹽務漢改贍國軍周改濱州治渤海縣

沿革表

縣沿革渤海本漢之涇沃縣地隋廢縣置永利鎮唐置渤海縣招安亦漢涇沃縣地唐置渤海縣本朝改為

招安縣

同上

形勝東海在州及渤海招安境秦臺在州東北高八大周回二百步秦始皇東遊築此以望海茅焦臺在

州治東焦事秦以諫顯 久山在招安縣東北七十里

秦始皇築以鎮海

興地紀勝

人物秦公哲哀齊人不仕家臣孔子賢之 茅蕉始皇

時直諫遷太后於雍始皇悟子母復合如初 皇朝胡

旦渤海人少有俊才太宗時舉進士累官秘書少監

劉蒙渤海人恥為辭賦後舉遺逸試第一知胡陽縣時

行免後法即投劾而去門人稱為正思先生

同上

集珠寶之光以明塵霾之雜不處

柳宗元東海歌

九天之雲

下垂四海之水皆立

杜甫賦

海神來過惡風迴浪打天門

石壁開

李白詩

本朝大觀二年賜渤海郡名祥符五年廢蒲臺縣慶厯

三年升招安鎮為縣熙寧六年省為鎮入渤海元豐二

年復為縣

沿革表

雲破孤峯出潮平兩漿飛東溟看月上

西渡認僧歸

魚龍臨海窟鷄犬隔淮圻草色迷千古

波聲蕩四圍

廢興懷霸業融結想天機浩浩羣流會

沉沉百恠依

並晁君成

橫風吹雨入樓斜壯觀應須好句誇

雨過潮平江海碧電光時掣紫金蛇

蘇東坡

恩州

倚郭一清河
外縣二武城

歷亭

永平軍節度 周為防禦

郡號清河

州沿革天文胃昴畢分野禹貢兗冀二州之域春秋時屬齊其後屬晉七國時屬趙秦為鉅鹿郡漢分置清河郡後漢為清河國晉因之後魏北齊並為清河郡後周兼置貝州隋初郡廢煬帝初復置清河郡而廢州唐為清

河郡屬河北道本朝因之

沿革表

縣沿革清河漢縣唐屬貝州天寶元年改州為清河郡

縣仍屬焉 武城本七國時趙封平原君地 歷亭隋

開皇十六年置屬清河郡

同上

形勝西山在州西四十里 津期在州南二十里溢涸

無常不通舟楫 絃歌臺在武城縣西上有子游祠

陰山在州境林木深阻 孫伏伽墓在武城東北 郇

城屬清河在夏津縣界漢封呂陀樂布為郇侯即此

四女樹在州西北五十里有古槐俗傳四女同植

輿地紀勝

人物澹臺滅明武城人子游稱其行不由徑非公事不見邑宰 漢趙苞東武城人靈帝時為遼西太守遣使

迎母及妻子道值鮮卑劫質苞率衆禦之寇出母以示

母曰毋虧忠義苞遂力戰母妻為賊所害及葬母訖苞

曰食祿而避難非忠也殺母以全義非孝也遂嘔血死

崔琰東武城人少樸訥好擊劍年三十九乃從鄭玄

學初從袁紹尋歸曹操為尚書 三國崔林武城人為

政多推誠存大體仕魏為幽州刺史遷至司空 南北

朝崔宏東武城人林六世孫少有俊才號冀州神童

崔浩宏子博極羣書識天文歷官著作郎 崔逞琰五

世孫好學有文才仕慕容暉補著作郎 崔彧逞曾孫

善醫術性仁恕官至冀州別駕 崔休逞玄孫公平清

潔甚得時譽仕魏歷幽青二州刺史以清白著稱 張

彘東武城人性公強有風槩歷覽經史仕魏散騎常侍

後為安西將軍 崔亮琰之後為吏部尚書奏為格制

以停解日月為斷後世賢愚同滯自亮始 崔光清河
郇人好學晝耕夜誦仕魏為中書博士撰國書孝文稱
其才曰浩浩如黃河東注今日之文宗也 崔鴻光從
子博綜經史官至平州刺史 崔靈恩武城人編習五
經尤精三禮三傳為國子博士授徒數百儒者論天執
渾蓋之說恩立義以渾蓋為一 張晏之曩之孫仕北
齊官至刺史百姓為製清德頌以揚之 唐孫伏伽武城
人武德初上言三事高祖為侍御史太宗時累遷大理

少卿 崔隱甫以廉潔自守累官刑部尚書 崔羣累

官吏部尚書 崔邠三世同居累官吏部尚書其弟邠

邠鄆郾中進士第官禮部尚書鄆中進士第文宗末同

平章事宣宗為一門孝友題其齋居曰德星堂 皇朝

田祚清河人十世同居 張美清河人事周世宗為樞

密承旨因征淮南有功升左驍衛上將軍

同上

集魯客多歸興居人悵別情雨餘衫袖冷風惹馬蹄輕

雄韓余亦東蒙客憐君如弟兄醉眠秋共被攜手月同行

入門高興發侍立小童清落景開寒杵屯雲對古城

不願論簪笏悠悠滄海情

並杜甫

本朝初為節度慶厯八年改州名罷節度端拱元年徙

治清河治永寧鎮淳化五年徙今治熙寧四年省清陽

縣入焉至和元年廢漳縣入歷亭

沿革表

釋褐來城武始

知為政難每簽逃戶狀羞作字人官

王禹偁

古砌綠苔偏

荒城草木寒

拂榻驚巢燕陳書起蟻蛾

並同上

永靜軍

衙郭一外縣二

東光

將陵阜城

郡號景州

軍縣沿革天文箕尾分野禹貢冀州之域本漢景城侯國後置渤海郡隋開皇初廢唐復置觀州治弓高貞觀中州廢貞元初始置景州再廢復置東光縣五代周改定遠軍本朝改永靜軍東光本漢舊縣屬渤海郡後魏徙渤海郡治此隋初郡廢置州大業州罷屬平原郡以安陵縣省入唐屬滄州貞元初改屬景州五代周以弓高縣省入本朝入永靜軍治將陵本隋舊縣屬平

原郡唐屬德州本朝屬景州 阜城漢舊縣屬渤海郡

本朝改名阜城

沿革表

形勝盧師谷在郡東 天胎山在東光縣南臨靳河

劉麟河在阜城縣北因偽齊劉豫子麟為名 胡盧河

在阜城縣西北即衡漳之別名有王莽故河在 永濟

渠在東光西其深莫測 千頃窪在郡東凡河決即導

入此渠民免水患 董子書院在郡廣川鎮祀董仲舒

華陽亭在阜城相傳晉嵇康嘗學琴於此 胡蘇亭

在東光境以古河為名 廣川臺在郡治東高三丈上

有董子祠 周亞夫廟在郡西亞夫封條侯即此地

弓高城在郡東北漢封韓增為龍額侯今有龍額村即

此 藺子城在阜城縣東趙藺子所築 澹臺故居在

故城縣西 董家里在郡西即仲舒下帷讀書處

輿地紀勝

人物漢董仲舒治春秋三年不窺園度越諸子為漢

醇儒 隋公孫景茂阜城人博涉書史時稱書庫遷西

州刺史教化大行吏民思之 劉炫郡人閉戶讀書十

年不出奉勅同脩國史旋直門下省 唐袁恕已東光
人歷官司刑少卿與誅二張以功封郡王其孫袁高擢
進士為給事中論盧杞當國朝廷壯之 王暕郡人明
經擢第除殿中侍御史授桂川都督 皇朝周瑩郡人
習知水利累官杭州都監遷知樞密院學士 劉摯東
光人登進士第為御史神宗朝上書請辨君子小人又
論常平免役法十害官至中書舍人 劉甲摯之子舉
進士累遷國史編脩後拜寶謨閣學士晝之所為夜必

書之名曰自鑒

同上

集親友送予邁揮淚廣川陰撫膺解攜手永歎結遺音

吳岫雨來溪鳥浴楚江雲暗崩猿吟

並陸士衡

野人寧憶

滄洲畔會待吹噓定至音

許用晦

本朝太平興國六年以軍直屬京淳化元年以冀州阜

城來屬景德元年改軍名景祐元年移將陵於長河鎮

嘉祐八年省阜城為鎮入東光熙寧十年復為縣

沿革表


瀛洲歸去琅玕長月朗風薰十二樓

汪水雲

霜散月明誰

點綴天容海色本澄清

蘇軾



記纂淵海卷二十